

## Ti xroon tsíkjin

# Judas

<sup>1</sup>\*Janhan Judas, kícho ch'in Jacobo, t'ahá ixrā Jesucristo, mé ikjian ti xroon i ts'áyéhe ti sin tsíkjeýá It'éni Díos la ko tsíkjinchetjóá ch'an kixin tsinkáchónki sin ch'an. Mé xíkaha Jesucristo t'ayakohen ch'an ti jehe sin. <sup>2</sup>Díos imá kuikonoáhara ndá ts'ayéhéra kjuaxróxin kixin tjuahára ch'an.

### Ti sin nduáhya tjako

(2Pe. 2:1-17)

<sup>3</sup>Kíchóni, imá tjínkaōan tsokjian ijnko xroon ts'ayéhéra tsochronka nkexrín tsaáxini kaíni. Andá ijie tsokjian ti xroon ts'ayéhéra, tsoxrjanoáxinra kixin jína chrókiénxinra nkehe chrókjuátéhéra kixin nkexrín tinkachónkíra Ìnchéni kixin ti fe la mé nkoqoa tsík'áyéhe ti sin tsíkjinchetjóá Díos. <sup>4</sup>Tóxakona kixin ijie ó kuik'ixehen iso chojni ch'ia ti tjejora. Andá ósé tsíkjin sin xroon itén Díos chrónka kixin tsjasóte ti sin a. Jehe sin la chojni jínahña la ndáchro sin kixin ó nchōxon naxa tsjasini ijie

kixin kjónté xíkaha la Díos imá tjuéhe ch'an ti jeheni. Mé xíkaha titekakönhña sin Díos, ti nkexro jehó t'etōan, la ko titekakönhña sin Jesucristo ti Ìnchéni.

<sup>5</sup>\*Jahara kjónté ó nohara kaín tíhi la jehí tjínkaōan s̄intaxraxinkáonra ínaá kixin Ìnchéni Díos kuakitsjexín ch'an Egipto ti sin chjasin Israel, ndá kjónté xíkaha, la chr'éxin kjuínchek'itjǎña ch'an ti sin kuítekakönhña ti jehe ch'an. <sup>6</sup>Kjāxin ti sin ángel kuítekakönhña sin ti k'uetōan Díos, ndá kuítóhe sin ti kjuachaxin tsíkjajon Díos tsík'ayéhe sin la ko kuítóhe sin ti kuék'ejó sin jína, andá Díos k'uetōan ch'an kixin ts'ejó sin ti sítie, tjejóchruéxin sin cadena nkochrín la ts'ejóchóhen sin tsijia ti ñāo tsitōexín ijie sin. <sup>7</sup>\*Mé xíkaha kjāxin ti sin chjasin Sodoma la ko ti chjasin Gomorra la ko ti sin chjasin chjinaxón ntiha la kjuasiko sin ijie chojnichjin ókjé la ko kjuasiko sin ijie kícho sin kjónté nkokón ndoa

sin. Ndá Díos kjuínchekjasóte ti sin a, la ichr'án ch'an sin ti síin xrohi nkochríxín ts'ankahya. Tíha mé chrórxaxinkakonxíni kaíni kixin nkexrín tsohen ti sin titekakhñña.

<sup>8</sup>Mé xíkaha tsohen kjaxin ti chojni tjejó ijie nduáhya tjako. Ndáchro kixin kotáchrién sin tik'ikonxín sin kixin ó nchoxon chrókjuasinko sin ijie chojnichjin la ko titekakhñña sin ti kjuachaxin kuèté Ìnchéni la ko t'ándaxíhín sin ti sin ángel chóna kjuachaxin t'etóan. <sup>9</sup>\*Andá ti ángel Miguel, ti kjuajonko ti Jínahña, kjuajonxín ti cuerpo kuèté Moisés. La kjónté xíkaha, la kjuínchekjasótehya ch'an ti Jínahña. Jehó ndáchro ch'an: "Ìnchéni mé sintakjasótia."

<sup>10</sup>Andá ti chojni i t'ándaxíhín sin ti nkehe tienxínhña sin la tjenkayáxin sin éxi iko chónahya kjuaxrexinkaon jína la ko nchexiteyéhe sin ti nkehe ndáchro asén sin, mé xíkaha ti nkehe jínahña ich'e sin mé ts'itjáñaxín sin.

<sup>11</sup>\*;Nóa ti jehe sin! Chréhe sin éxi kjuích'e ch'in Caín. Tjinkaon sin chrókjuacha sin chichaon ndá nduáhya ich'e sin éxi kjuích'e ch'in Balaam, la ko its'en sin éxi ik'uén ch'in Coré kixin kuítékakhñña sin. <sup>12</sup>Ijnko kjuatosuéhe kixin tjejóyákan sin ti síin kia náxrjón chontara,

kixin tjejónie sin la ko tjejó'ti sin, chéhe sin, la kjónté xíkaha la ninkehó kjuasáye sin chónahya sin. Tjejó sin éxi ti sin t'ayakohen kolélo, kjánchó jehe sin jehó t'ayakohen sin asén sin. Jehe sin la éxi itji chónahya intá tjakako xrinto; la ko éxi ijnko inta t'ónahña ito ti nitjó chrók'óna, la tsík'en, tsík'axrjenkíxin nuéé. <sup>13</sup>Jehe sin mé éxi ti ndañao jiehe síxróji mé xíkaha chónkó ti nkehe ich'e sin la ijnko kjuatosuéhe tíha; la ko éxi konotsé kjuíchròe sákjuí ókjé; mé xíkaha chóhen sin sátsji tsjasóte sin ti sítie nkochríxín.

<sup>14</sup>\*Andá ti k'uékjak'e Adán, ndá yatoxin chojni chr'éxin ikui ch'in Enoc la nixjaxin ch'an kjuachaxíen Díos, ndáchro ch'an kixin k'uúkon ch'an Ìnchéni kjuikao nchónhña mil ti sin ángel kuèté, <sup>15</sup>kixin sinchekitoexín ch'an ijie kaín ti sin jínahña kixin kaín ti nkehe jínahña kjuích'e sin la ko kaín ti nkehe k'uénixja sin k'uándaxíhín sin ti jehe ch'an. <sup>16</sup>Xrácín tórxienhña sin nkehe sítóhen la ko ixri sin tjontá kícho sin. Jehó xritjeyá sin ti nkehe tórxíhín sin. Ihnke sin la ti ó jína nixjehe sin nkojín chojni la jehó xíkaha ich'e sin kixin tsjacha sin nkehe jína.

**Nchexraxinkaon ch'an ti  
sin tinkáchónki Cristo**

<sup>17</sup>Andá, jahara kíchóni, xrácinkaonra ti nkehe chrónka

1:9 a: Dn. 10:13, 21; 12:1; Ap. 12:7; b: Dt. 34:6; c: Zac. 3:2.

1:11 a: Gn. 4:3-8; b: Nm. 22:1-35; c: Nm. 16:1-35. 1:14: Gn. 5:18, 21-24.

ti sin tsíkjeýá Ìnchéni Jesucristo,  
<sup>18</sup> \*mé ndáchro sin kixin ti ñao  
 tsjixixín tsjejexin chjasintajni  
 mé ts'ixin chojni tsjanoá sin la  
 ko tsitekakonhña sin ti nkehe  
 t'etəoan Díos la ko tsotjinkaon  
 sin sinchexiteyéhe sin ti nkehe  
 jínahña ndáchro asén sin. <sup>19</sup>Ti  
 sin a mé tjinkaon ts'óxika ti sin  
 nkokəa tjejó tónkotsé kixin naxa  
 tóxríhín sin sich'e sin nkehe síin  
 chjasintajni la chóntahya sin  
 Nchakuén Díos.

<sup>20</sup> Andá, jahara kíchóni  
 tjuahára, antsí jína t'ejora  
 tinkachónkira Ìnchéni.  
 Chrónixjeexínra Díos ti  
 kjuachaxin kuénté Nchakuén  
 ch'an. <sup>21</sup>Jína chrók'uejora kixin  
 tjuahára Díos la ts'ejochonhénra  
 ti ñao tsokjan Ìnchéni Jesucristo  
 la tsotjáhara ch'an kjuachón  
 nkochrírín kixin imá tjuahára  
 ch'an.

<sup>22</sup> Chrokujikonoéhéra  
 ti sin naxa tienxínhña.

<sup>23</sup> Chrokjuinchekaára nkojín  
 sin. Chrokuakitsjekjanxinra  
 sin chríkjan ti xrohi, la ko  
 chrókujikonoéhéra iso sin,  
 kjánchó chrótsjehéra jína kixin  
 chrókjuich'ehyara ti nkehe  
 nduáhya ich'e sin kixin kjónté ti  
 iké sin la chóna ijie.

### Tjanchia ch'an kjuasáya

<sup>24</sup> Nkokəa Díos itjen, mé jehe  
 ch'an ti nkexro sinchekaá ti  
 jeheni la ko kjuachaxíen ch'an  
 ts'ayakohen ch'an ti jeheni kixin  
 chrókjuasinhñani ijie ndá ti ó  
 tsjjini ti itjen ch'an t'etəoan ch'an  
 la ninkehó ijie chróchóntahyani,  
 la imá tsöchéheni ts'ejókoni  
 ch'an. <sup>25</sup> Kjuasáye Ìnchéni  
 Jesucristo, sinchekaá ch'an ti  
 jeheni kixin kjuenkayákokhen  
 ch'an ti jeheni. Jehe ch'an mé  
 chóna ch'an kaín kjuachaxin  
 la ko ts'etəoan ch'an ijie la ko  
 nkochrírín. Mé xíkaha tsəhen.  
 Ó tjen.